

Ona yurtning - oltin beshiging

TONG yulduzini

№ 14-15
(66451-52)

2004 yil
12 - 18 aprel

Gazeta 1929 yil
1 avgustdan chiqa
boshlagan

O'zbekiston bolalari
va o'smirlarining gazetasi

Muassislar:

O'ZBEKISTON MATBUOT VA AXBOROT AGENTLIGI,
O'ZBEKISTON RESPUBLIKASI XALQ TA'LIMI VAZIRLIGI,
«KAMOLOT» YOSHLAR IJTIMOIY HARAKATI.

BALANDROQ UCH, SAMONI QUCH VARRAGIM!

Varraklar - tinchlik ramzi. Ular faqat tinch, osoyishta yurt osmonida parvoz etadilar. Bizning beg'ubor osmonimizga ham varraklar yarashadi.


Har yili «Varraklar sayli»ni o'tkazish yaxshi bir an'anaga aylanib qoldi. Yaqinda «Bog'i Eram»da O'zbekiston Xalq Ta'limi Vazirligi, «Kamalak» bolalar tashkiloti, «Sharof Rashidov» Xalqaro jamg'armasi, respublika «Vatanparvar» jamg'armasi hamda respublika o'quvchilari texnik markazi homiyligida o'tkazilgan varraklar bayrami ham juda qiziqarli o'tdi. «Nastarin», «Shodlik», «Feruz», «Kamalak» bolalar guruhlarini ijrosidagi kuy va qo'shiqlar davraga o'zgacha fayz kiritdi.

Bayramni respublika «Kamolot»-Bolalar tashkiloti raisi Q.Qurbonboyev hamda «Sharof Rashidov» Xalqaro fondi raisi O. Muhammadiyevlar ochib berishdi.

Eng qiziqarlisi ana shundan keyin boshlandi. Moviy osmonni to'ldirib turli-tuman varraklar ucha boshladi. «Dunyo- bolalar nigohida» mavzuida o'tkazilgan tanlovda ishtirok etgan bolajonlar asfaltga rasmlar chizishdi.

«Varraklar bayrami» ilk bor 2002 yilda o'tkazilgan edi. O'shanda ishtirokchilar soni unchalik ko'p bo'lmagandi. Bu galgi bayramda esa boqqa bola sig'may ketdi, desam mubolag'a qilmagan bo'laman. Bayram bahona yangi-yangi iste'dodlar kashf etildi. Ajabmas, kelgusida ular orasidan ajoyib musavvirlar, ixtirochilar yetishib chiqsa. Bunday bayramlar yoshlarni birlashtiradi, do'stlashtiradi, qolaversa, ular qalbiga go'zallikka oshuftalik, yangilikka intiluvchanlik kabi ezguliklar urug'ini sochadi.

Nigora HUSNIDDIN qizi, o'quvchi.



Murodov OTABEK Ulug'bek o'g'li. 1993 yilda tug'ilgan. Hozirda Respublika ijtimoiy yo'nalishidagi Diplomatika gimnaziyasining 5-sinf o'quvchisi. Adabiyot, sport va san'atni qadrlaydi. Shoshib gapirishini hisobga olmaganida, fikrini aniq va lo'nda ifodalaydi. Rasm chizish jonu dili. Ba'zida she'rlar ham yozib turadi.

bilaman. O'zi ikki yoshdan sal oshgan. U ham rasm chizadi. Lekin uning chizgan rasmlarining aksariyat qismini o'zi ham, kattalar ham tushunishmaydi. Balki... -Albatta, ikki yoshli kichkintoy «rassomlar»dan

qog'ozga tushiraman. Kattalarga ko'rsatsam, yomon emas, deyishadi.

-She'rlaringizni ham shu yo'sinda yozasizmi?

-Ba'zida.

-Qaysi shoir ijodi sizni o'ylashga majbur qiladi?

-Asrimiz boshida yashab o'tgan adiblarimiz ijodiga qiziqishim katta.

Bugunning bolasi-ertaning egasi

kayfiyatim ko'tarilib ketadi. To'g'risini aytsam, «Paxtakor»ning ashaddiy ixlosmandiman.

-Bo'sh vaqtingizda maqollar ham yozib turar ekansiz? Ulardan birortasi yodingizdami?

-Mevani ko'rinishidan emas, mazasidan bilgin.

-Ikki yoshimdan ijod qilishni boshlaganman,-deya,shoshgancha gap boshladi Otabek.

-Yo'g'-ye, hazillashyapsizmi? Ikki bahorni ko'rgan go'dakka ijod qilish erta emasmi?

-Xohish bo'lsa bas. Hamma narsa insonning xohish-istaklariga bog'liq. Menimcha, yoshligimda judayam rasm chizgim kelgan bo'lsa kerak. O'zim yaxshi eslolmayman-u, lekin uydagilarning aytishicha, ikki yoshga to'lganimda rasm chiza boshlagan ekanman.

-To'g'ri, men ham bir bolani

«Mona Liza»ning rasmini chizishini hech kim kutmasa kerak.

-Hali Leonardo Do Vinchining mashhur «Mona Liza»sini chizganman ham dersiz?

-Yo'q, chizib ko'rmaganman. Buyuk rassom Leonardo Do Vinchening hayoti va ijodiga qiziqishim katta bo'lganimdan so'ng paydo bo'lgan. Uning ijodi bilan yaqindan tanishgan sari naqadar aqlli bo'lganligiga shubham qolmadi.

-Ulug' musavvirlardan Kamoliddin Behzod, Ro'zi Choriyev, Chingiz Ahmarovlar yaratgan go'zal asarlar chet el rassomlari chizgan rasmlardan sira qolishmaydi...

-Ha, albatta, ba'zida ularning asarlarini uzoq kuzatib o'tirib uxlab qolaman. Tushimda o'zim o'ylamagan narsalarni ko'rib uyg'onib ketaman. Darhol qo'limga qalam olib, tushimda ko'rganlarimni

IKKI YOSHLI "RASSOM"

Chunki Usmon Nosir, Cho'lpon, Fitrat kabi ulug' shoirlarimiz yozgan asarlarini o'qib ko'rsam katta-katta ma'nolar olaman. Ular elim deb, yurtim deb yonib yashaganlar. Haqiqat yo'lida jonlarini ham fido qilganlar.

-Ijodan ortganingizda dam olishga vaqtingiz yetadimi? Ko'chaga chiqib to'p tepish deganlaridek...

-Futbol eng sevimli mashg'ulotlarimdan biri. Ayniqsa, hozirgi kunda rivojlanayotgan mini futbol e'tiborimni o'ziga tortmoqda. Mashhur futbolistlar Pele, Maradonnalarga o'xshagim keladi. «Real Madrid» va «Milan» guruhlarini muxlisiman. «Real Madrid» jamoasidagi Ronaldo, Zinedin Zidan, Roberto Karlos, Luish Figu kabi futbolchilar o'yinda zo'r o'ynashadi.

-«Paxtakor» jamoasining o'yinlari ham chakkimas...

-Mirjalol Qosimov, Azamat Abduraimov, Anvar Soliyevlarning maydonda yugurishlarini ko'rib

-Maqolingiz o'z ma'nosidami yoki ko'chma?

-O'z ma'nosida ham, ko'chma ma'noda ham ifodalasa bo'ladi. Masalan, inson ko'rinishidan chiroyli, lekin uning ichki dunyosi xunuk bo'lishi mumkin. Shu fikrni nazarda tutganman.

-Katta bo'lsangiz kim bo'lmoqchisiz?

-Rassom, shoir yoki futbolchi bo'lishim mumkin.

-Unda diplomatiya gimnaziyasida nima uchun o'qiyapsiz? Sohangiz bo'yicha mutaxassis bo'laysizmi?

-Diplomatiya gimnaziyasida til o'rganish uchun o'qiyapman. Ingliz tilini mukammal o'rganmoqchiman.

-«Yigit kishiga qirq hunar ham oz» deganlaridek, ilm olib hunar o'rganish har bir yigit kishining burchi. San'atga, sportga bo'lgan qiziqishlaringiz hech qachon so'nmasin.

GULYUZ suhbatlashdi.



BOLALARDA NIMA QASDING BOR?

DINI, TILI, VATANI YO'QLAR

Mart oyining so'nggi kunlarida yurtimizda sodir bo'lgan ko'ngilsiz voqealar biz bolajonlarni ham ranjitdi. Qabih niyatli kimsalarning kelib-kelib aynan, bizning do'konimiz «Bolalar dunyosi»ni portlatishlarini qanday tushunish mumkin? Ularning biz bolajonlarda nima qasdlari bor ekanki, o'z farzandlari, uka va singillarining sevimli maskanini mo'ljall qilishibdi, deya uzoq bor. To'g'ri, men hali yurt o'yladim. Shunda dadam himoyasiga juda yoshlik hammasini tushuntirib qilaman. Lekin katta bo'lsam, qo'ydi: «O'g'lim, albatta uning uchun posbon terrorchilarning dini, tili, bo'laman:

*Ozod, obod bir o'lkada men yashayman,
Tinchligini qo'riqlashga doim shayman.
Niyatiga yetolmaydi yurtfurushlar,
Bu o'lkada bo'lmas aslo, jang, urushlar!*

Kamron G'OFUROV,
Poytaxtdagi 243 - maktabning 3 - sinf o'quvchisi.

TINCHLIK - BUYUK NE'MAT

Bobojonim ko'p ham ko'rkamroq, takrorlaydigan bu so'zning ma'nosini shu kunlarda yanada chuqurroq anglab yetayapman. Tinchgina yashab, o'ynab, bilim olib yurgandik. «Terrorchi» deb atalmish qabih niyatli kimsalar tinchimizni buzishdi. Bobom ularni «buzg'unchi», «hasadgo'y» kimsalar bilan ovutamiz?

Ularning niyatlari ayon - bizning qalbimizga qo'rqv solish, tanlagan yo'limizdan qaytarishga urinishdir, deydi bobom. Lekin biz ulardan qo'rqmaymiz. Aksincha, yanada jiplashib, ularga qarshi kurashamiz. Bobomning gaplariga men ham ishonaman. Chunki yurtimizda doimo tinchlik bo'lishini, bexavotir maktabga borib, ko'chalarni to'ldirib o'ynab-kulib yurishimizni juda-juda xohlayman.

Hilola USMONXO'JAYEVA,
Toshkentdagi 38 - maktabning 4 - «B» sinf o'quvchisi.

Terro rizm



GULBAHOR SHE'R AYTADI

Kosonsoy sihatgohida dam olayotgan edim. Sinfdoshim Habibullojon Ubaydullayev chuvakkina qizcha bilan xonamga kirib keldi va: -Bu qiz nevaram Gulbahor. U she'r aytadi, mana bu uning she'rlari. Tanishib chiqarsiz, -deya bir daftarni uzatdi. O'qib chiqsam, uzun-uzun she'rlar. Har birida qizaloqning turmushdan olgan taassurotlari beg'ubor, quyma, ohanrabo misralarda ifodalangan.

-She'rlaringizni yoddan bilasizmi?

-Bilaman. Oilamiz haqida she'r aytib beraymi?-dedi-da, «Bizning oila» degan she'rini imyanibroq, ammo burro-burro qilib o'qidi. Unga ofarin aytib, e'tiboringizga Gulbahorning «Do'st» nomli she'rini havola qilmoqdaman.

Hamidjon HAMIDIY, filologiya fanlari doktori, professor.

DO'ST

*Biz barimiz o'ynasak,
U bir joyda turadi.
Alam qilganday bo'lib,
Doim labin buradi.*

*Bir kuni u o'ziga,
Ma'yus bir do'st topibdi.
Yomonni deb yaxshilik,
Darvozasin yopibdi.*

*Do'sti ham xuddi o'zi,
Yurish-turishlari ham.
Do'stlarini mensimay,
Labin burishlari ham.*

*Bir kuni kuchuk quvlab,
Qoqilsa bo'ladimi!
Do'sti esa qaramas,
Qutqarsa, o'ladimi?*

*«Menga nima, seni deb
Shu itga yem bo'laymi?
To'shak qilib, tuz totmay,
Dardlar chekib o'laymi?»*

*Buni eshitib, bizlar
Ko'p achindik joniga.
O'qituvchimiz bilan,
Yetib bordik yoniga.*

*Ustoz deydi: «Bu safar
Do'st tanlashda adashding.
Bevafo, yolg'on do'stning
Yelkasiga yondashding.*

*Sen suratiga emas,
Siyratiga nazar sol.
Yomon do'stini tashlagin,
Sodiq do'stini topib ol!»*

Gulbahor HABIBULLAYEVA,
Namangan viloyati, Kosonsoy tumanidagi
Beruniy nomli maktabning 7-sinf o'quvchisi.



HECHDAN KO'RA KECH..

«Tong yulduzi» gazetasi obuna masalasida bir nechta viloyat Xalq Ta'limi bo'limlariga qo'ng'iroq qilganida, aksariyat rahbarlarning yumushlari ko'pligidanmi yoki shahardan viloyatga bog'lanish mushkul ekanmi, faqatgina Samarqand viloyati XTB bilan ulandik. Viloyat XTB Sport ishlari bo'yicha bo'lim boshlig'i Egamberdi Xurramov bilan bo'lgan suhbatda gazeta obunasiga oid quyidagi ma'lumotlarga ega bo'ldik:

- «Tong yulduzi» gazetasi eng sevimli nashrlarimizdan biri hisoblanadi. O'quvchilarning savodxonligini oshirishda, ma'naviyatini yuksaltirishda ushbu gazetaning ahamiyati katta, deb o'ylayman. 2004 yil boshida «Tong yulduzi» nashriga viloyat bo'yicha 5300 nafar o'quvchi obuna bo'ldi.

-Viloyat bo'yicha deyaqisiz, bu ko'rsatkich kam emasmi, nima deb o'ylaysiz?


-Albatta, kam. Yilning ikkinchi yarmida ushbu ko'rsatkichni ko'tarishga harakat qilamiz.

Ha, albatta, «hechdan ko'ra kech» bo'lsa-da, rahbariyat javoblari bizni qoniqtirdi. Boshqa viloyatlarda obuna bo'yicha qanday ishlar olib borilmoqda? Bu savollarga javob olish uchun bizga telefon tarmoqlaridagi omadli ulanish bo'lsa bas. Rahbarlar ham «Tong yulduzi» gazetasi uchun oz-moz vaqt ajratishlari shubhasiz.

Qo'ng'iroq


Gulnoza HUSNIDDIN
qizi,

7 - «A» sinf o'quvchisi.



Aziz bolajonlar, jar so'zining ma'nosini hammangiz yaxshi bilasizlar-a? Azim Toshkentimizning «Chorsu» maydonida qad rostlagan sport-sog'lomlashtirish majmuasining nima uchun «JAR» deb nomlanganini-chi? Bilmasangiz, hozir sizlarga bu majmua haqida bilganlarimni so'zlab beraman:

Yurtimiz mustaqillikka erishgandan so'ng shahrimiz ko'rkiga ko'rk bo'lib qad rostlagan bu bino o'rnida avvallari pastqamlik, o'ydim-chuqurliklar, qarovsiz jarliklar bo'lgan ekan. Qo'li gul bunyodkorlar, sahovatli insonlar, beminnat hasharchilar sa'y-harakati bilan bugun bu yer obod va go'zal maskanga aylantirildi. Jahon andozalari asosida o'n ming nafar tomoshabiniga mo'ljallangan kattagina stadion quri'di. Me'moriy jihatdan amfiteatrni eslatadigan 760 o'rinli boks zali xalqaro sport musobaqalari o'tkazishga mo'ljallangan. 5 ta yozgi va 2 ta qishki tennis kortlari mavjud. Bu yerda o'ndan ortiq sport to'garaklari va kerakli sport anjomlari bilan jihozlangan 8 ta sport zali bor. Ushbu to'garaklarda 6 yoshdan 30 yoshgacha bo'lgan sport ishqibozlari muntazam shug'ullanib, o'z salomatliklarini mustahkamlamoqdalar.



TA'TILDAGI HAYAJONLAR

Tog' yurak-sog' yurak

shug'ullanishim, ruhan tetik va xushchaqchaq yurishimdan shodlangan onam meni duo qiladilar. Ularning duolari ijobat bo'lib, Oleg Ogorodov, Vadim Kutsenkolardek mashhur tennischi bo'lishimga ishonaman. Do'stlaringa ham tennis bilan shug'ullanishni maslahat bergan bo'lardim. Chunki tennis o'ynagan bolalarning ko'rish qobiliyati va xotirasi mustahkamlanib borarkan.

Gulida ISMOILOVA:

-Shahrimizdagi 73-maktabning 8-sinfida o'qiyman. Mana, 3 yildirki, murabbiyim Andrey Bulgakov mashg'ulotlariga qatnayman. Tengdoshlarim orasida 6 marta 1-o'ringa sazovor bo'ldim. Guruhimizda tennischi qizlar soni anchagina. «JAR» sport sog'lomlashtirish majmuidagi shart-sharoitlar bizga juda yoqadi. Qaniydi, bu yerdagi kabi imkoniyatlar biz yashaydigan mahallalarda ham bo'lsa... Ta'til kunlarimizda o'tkazilgan bir haftalik musobaqa bizga hayajonli kunlarni tuhfa etdi. Raqibim Shodiya Akbarova bilan kortdagi uchrashuvim mening g'alabam bilan yakunlandi. Natijada final sohibasiga aylandim. Niyatim - jahonning katta tennis maydonlarida o'tadigan musobaqalarda ham g'oliblik nashidasini totish...

Ma'mura MADRAHIMOVA.

Yaqinginada yurtimizda keng tantana qilingan Navro'z bayrami yosh sportchilarimiz hayotida ham ajib lahzalarga boy iz qoldirdi. «JAR» sport-sog'lomlashtirish majmuidagi maktab o'quvchilarining ko'plab sport musobaqalari bo'lib o'tdi. 10 yoshdan 15 yoshgacha bo'lgan o'g'il-qizlar ishtirok etgan yosh tennischilar musobaqasida bir necha «JAR» chempionlari «kashf etildi».

O'zbekiston chempioni Temur Gaffarov bo'lajak tennischilarning natijalari bilan faxrlanib, shunday deydi: -Bugungi kunda tennis mashg'ulotlarimizga 70 nafardan ziyod o'g'il-qizlar qatnaydilar. Ular orasida dunyo kezayotgan raketka ustalari ham borligi bizni behad quvontirmoqda. Keling, yaxshisi ana shunday umidli

shogirdlarimizning o'zlaridan eshitaylik:

Izzatillo ASADOV:

-Men shahrimizdagi 177-maktabning 4-sinf o'quvchisiman. Marat Safin, Andrey Agamov, Roja Perrera kabi nomdor tennischilarga astoydil havas qilib, tennis olamiga kirib kelganman. Ularning kortdagi har bir harakatlarini o'rganishga intilaman. Shuningdek, murabbiyim Andrey Bulgakovdan o'rganayotgan usullarim ham tajribali tennischi bo'lishimga yordam beradi deb o'ylayman. Bugungi musobaqada yarim finalgacha yetib keldim. Agar finalda yana g'olib bo'lsam, «JAR» chempioni degan nomga sazovor bo'laman. Maqsadim - har bir sportchi orzulagandek g'olib bo'lish. Buning uchun esa tinmay mashq qilishim lozimligini juda yaxshi

bilaman.

Abdullo SAIDAHMEDOV:

-Toshkent Davlat Iqtisod Universiteti qoshida ochilgan gimnaziyaning 8-sinfida tahsil olaman. «JAR»ga qatnayotganimga bir yildan oshdi. Bu orada turli musobaqalarda qatnashib, 4 marta g'olib bo'ldim, 2 ta «Oltin medal»ni qo'lga kiritdim. Muvaffaqiyatlarim, eng muhimi, salomatligimning yanada mustahkamlanib borayotganidan oilamdagilar ham mamnun bo'lishyapti. Ustozimdan kortda o'zimni qanday tutish, raqibga zarba berish, qaytarish kabi usullarni o'rganib boryapman. Yana, sportchi uchun jismoniy tayyorgarlik juda muhimligini angladim.

Har kuni barvaqt turishim, badantarbiya bilan muntazam

Gazetamizning 11-sonida chop etilgan «Ayb oshdami, moshda» sarlavhali maqolani o'qib, men ham o'ylanib qoldim. Chunki unda tasvirlangan manzara menga juda tanish edi. Bizning

bois biroz to'p tepsak, changga botib ketamiz. Havoga ko'tarilayotgan chang-to'zondan bir-birimizni ko'rmay qolamiz. Sport-salomatlik garovi deyishadi. Bizning futbol


bo'lib, maktab ma'muriyatiga shikoyat qilishgan. Afsuski, natija bo'lmagan.

Qaniydi, maqolamni mutasaddilar o'qib, maydonchamizga chim yotqizib berishsa. Biz bolajonlar mazza qilib to'p tepsak.

SPORT - SOG'LIK GAROVI... MI?

maktabimizda ham jismoniy tarbiya darslari nomigagina o'tiladi. Darsni mashqlar bajarish yoki to'p tepish bilan o'tkazamiz. Bu fandan dars beradigan o'qituvchilarning qo'nimi yo'q. Bir oyda bir-ikkita o'qituvchi kelib-ketadi. Bu ham mayli-ya, futbol maydonchasini bir ko'rsangiz edi... Maydon tuproq bilan qoplangani

maydonimizda sport bilan shug'ullansangiz buning aksi bo'lishi, ya'ni chang yutaverib, salomatligingizni yo'qotib qo'yishingiz mumkin. Bu holatdan maktabimiz atrofida yashovchi aholi ham norozi



Mahmudjon AZIMOV,
Toshkent shahar, Shayxontohur tumanidagi
169 - maktabning 7 - «G» sinf o'quvchisi.

Bilasizmi?

YUNONISTON VATANI EKAN

Hammamiz sevib shug'ullanadigan sportning qachon va qayerda shakllanganini bilasizmi? Juda qadimdanoq Qadimiy Yunonistonda sportga e'tibor katta bo'lgan ekan. Har bir o'g'il-qiz yoshlikdanoq yugurish, sakrash, kurash kabilari bilan shug'ullanishlari lozim bo'lgan. Misrda ham ayrim sport turlari bundan to'rt ming yil ilgari mavjud bo'lgan ekan. Biroq, sport bilan shug'ullanish ilk bor Yunonistonda vujudga kelgan ekan. Olimpiya o'yinlari ham ilk bor Yunonistonda miloddan avvalgi 776 yilda bo'lib o'tgan. Yunonlar har sohada muvaffaqiyat qozonsa-da, sport bilan shug'ullanmaydiganlarni unchalik xushlamas ekanlar. Olimpiya o'yinlarida o'n oylik tayyorgarlikdan o'tgan nasli toza yunonliklarga musobaqalashishgan. Dastlab yugurish, sakrashdangina iborat bo'lgan sport bellashuvlari keyinchalik kurash, boks, disk va nayza uloqtirish, foytunlar poygasi kabi turlari bilan yanada boyib borgan.

Maftuna QO'CHQOROVA,
Poytaxtimizdagi 179 - maktabning
7 - «G» sinf o'quvchisi.



Hozirgi kunda biz o'quvchi-yoshlarning kundalik harajatlarimiz ortib borayotgani sir emas. Chunki talab va ehtiyojlarimizdan tashqari xohish-istagimiz, hoyu-havasimiz ham bisyor. Xo'sh, ota-onalarimiz berayotgan pullar ehtiyojlarimizni qondirish uchun yetarli bo'lyaptimi? Shu savol bilan ayrim ota-onalarimiz hamda A.Navoiy nomidagi Respublika Nafis san'at litseyi o'quvchilariga murojaat qildik:

Munozara

Zulfiya MO'MINOVA,
1 farzandning onasi:

-Ota-onalar ham, bolalar ham har xil bo'lishadi. Quyi sinflar o'qiydigan o'g'limning papkasiga har kuni biror yegulik solib qo'yaman. Shunda ko'nglim xotirjam bo'ladi. Bir kuni biror narsaga ishlatar deya pul ham solib qo'ygandim. Ertasi kuni pulimni stolning ustiga qo'yib ketibdi. Sababini so'rasam, ortiqcha pulni nima qilaman, deydi. Men juda xursand bo'lib ketdim...

Nafisa IKROMOVA,
6 nafar farzandning onasi:

-Besh o'g'ildan keyin bir qiz ko'rganmiz. Uni nafaqat biz - ota-onasi, akalari ham juda yaxshi ko'rib, erkalatishadi, ko'ngliga qarashadi. Hozir u 6-sinfda o'qiyapti. Avvallari sezmagani ekanman, keyingi paytlarda erkatoy bo'lib qolganini his qilyapman. Har kuni maktabga ketishdan avval pul so'raydi. Aytganidan kamroq bersam, janjal ko'taradi. Mendan bo'lmasa, otasidan, akalardan o'sha pulni olmaguncha ko'ngli tinchimaydi, maktabga ham bormaydi.

«Bola aziz, odobi undan aziz», deganlari rost ekan. Ota-onalarga maslahatim: farzandingizni har qancha yaxshi ko'rmang, ularni erkalatmang, ortiqcha pulga o'rgatmang. Keyin kech bo'ladi.

PULNING QADRI

Umida TOG'AYEVA:

-Mening uyim poytaxtdan ancha olisda. Shuning uchun uyga borganimda bir oyga yetarli pul berib yuborishadi. Bu pullar zarur ehtiyojlarim uchun yetadi, xolos. Ortiqcha narsalarga pul ishlataverishni o'zimga ep ko'rmayman. «Oz bo'lsa yetadi, ko'p bo'lsa ketadi», deb bejiz aytilmagan-ku, axir!..

Farrux TO'YCHIYEV:

-Ayrim ota-onalarimiz farzandlarining ehtiyojiga qarab emas, qancha so'rasalar, shuncha pul berishadi. Boshqalardan kam bo'lmasin, deya kiyintirishadi. Lekini shundaki, farzand bu narsaga o'rganib qolsa, keyinchalik mustaqil hayotda qiynaladi. Shuning uchun pul berishdan avval oqibatini ham o'ylashlari lozim.

Iroda AIPOVA:

-Menimcha, ota-onalar farzandlariga ehtiyojlaridan biroq ortiqroq mablag' berishlari lozim. Chunki, ayrim irodasiz tengdoshlarimiz zarurat tug'ilganda turli nopok yo'llar bilan pul topishga ham urinib ko'rishlari mumkin. Bir tanishim pulga muhtoj bo'lib qolib, o'z ustozining pulini o'g'irlashga ham borgan yodimda.

Umid AHMEDOV:

-Ota-onalar farzandlariga berayotgan pullarini nimalarga sarflashayotganini ham nazorat qilib turishlari lozim. Shundagina bolalar pulni faqat tejab-tergab ishlatishni o'rganadilar..

Nodira MIRZAMATOVA:

-Zarur ehtiyoj boshqa, xohish-istak, hoyu-havas boshqa. Ko'nglimizga quloq solsak, nimalarni istamaydi? Ust-boshimiz yangi bo'laturib, dugonamiz kiygan rusmbop ko'ylakni, tuflini kiygimiz kelib qoladi. Oradan biroq fursat o'tib, yana yangisini xohlab qolamiz...

Valijon TURSUNOV:

-Shaxsan men uchun ota-onam berayotgan pullar kundalik ehtiyojlarimni qondirish uchun yetadi. Kiyim-kechak, zarur buyumlarni esa o'zlari olib berishadi. Agar bolaga keragidan ortiqroq pul berilsa, u hech qachon pulning qadriga yetmaydi.

O'ylashimcha, ota-onalar farzandlariga ehtiyojlariga yarasha pul berishlari lozim.

Ortiqchasi ularni o'qishdan, hayotdagi asosiy maqsadidan chalg'itadi. Puli ko'p bo'lsa, ko'ngliga kelgan ishni qilgisi, o'yingohlarga, billiard, kompyuter xonalariga borgisi kelib qoladi.

Fikrlar har xil, xulosalar ham turlicha. Ularni o'qib, aziz tengdoshlarimiz, shuningdek, ayrim ota-onalarimiz ham o'zlariga tegishli xulosa chiqarib olsalar mamnun bo'lardik.

Aziz o'quvchilar, sizlarni ham bahsga, munozaraga chorlaymiz. Bu xususdagi fikr-mulohazalaringizni bilishni istardik. Zero, asosli, o'rinli fikrlar bahs va munozaralar zamirida tug'iladi.

Zokir NAZAROV,
2 farzandning otasi:

-Bolaga albatta pul berib turish kerak. Ularning ehtiyojini biz qondirmasak, kim qondiradi? Ota-onasining davrida o'ynashsin, kulishsin. Axir bizni ham bog'lab bermagan-ku...

BIZNING EKOBOG'IMIZ BOR

Ona tabiatga mehr-muhabbat tuyg'usini inson bolalikdan his qilishi lozim. Zero, bunday tuyg'u ularda nozik did, mehribonlik, bag'rikenglik kabi xislatlarni shakllantiradi.

Shuning uchun ham maktabimizda ekologik tarbiyaga alohida e'tibor beriladi. Maktabimiz rahbari Darop aka Yo'ldoshev hamda biologiya o'qituvchimiz Shohista opa Hamdamovalarning sa'y-harakatlari bilan tashkil qilingan ekologiya bog'imizda darsdan bo'shi vaqtlarimizda astoydil

mehnat qilamiz. U yerdagi turli mevali daraxtlar, turfa gullar va har xil sabzavotlarni yuqori sinf o'quvchilaridan tashkil qilingan «Yosh tabiatshunoslar» guruhi a'zolari mehr bilan parvarishlaydilar. Biz esa ularga ko'maklashamiz, ekinlar tagini yumshatib, begona o'tlardan tozalaymiz.

Ayni kunlarda bog'imizda daraxtlarning qurigan, mevasiz shoxlarini kesish, oqlash, kuzda shudgor qilingan yerlarni g'ayta yumshatish, ariqlarni tozalash kabi bahorgi ishlarni boshlab yubordik.

Astoydil mehnat qilsak, barakali hosil ko'taramiz. Hosilimizdan kelgan daromadni esa maktabimiz fondiga o'tkazamiz. Bu mablag'ning bir qismini maktabimiz binosini va jihozlarni ta'mirlash ishlariga sarflaymiz. Yana bir qismiga kutubxonamiz uchun yangi kitoblar sotib'olamiz. Qolganini maktabimizda tahsil oladigan kam ta'minlangan, hamda boquvchisini yo'qotgan oilalarning farzandlari maktab oshxonasida bepul ovqatlanishlari uchun sarflanadi.

Nigora RAVSHANOVA,

Toshkent viloyati, Chirchiq shahridagi 2 - ixtisoslashtirilgan maktabning 5 - «B» sinf o'quvchisi

KO'NGIL

(Qatra)

Ko'ngil... Uning ko'chalarida sayr etarkanman, nafis tuyg'ularni, u istagan betakror go'zalliklarni, cheki-chegarasi yo'q orzular ummonini ko'raman.

Eh-he, ko'ngil nimalarni istamaydi deysiz. Ba'zida g'amgin bo'lib qolgan ko'ngilni qumsiz sahroga, goho qurib qolgan buloqqa qiyoslayman. Uning shubha va gumonlari esa yorug'likni bosib kelayotgan qorong'ulikka o'xshaydi va menga «ko'ngil - dushman» degan iborani eslatadi.

Ko'ngil... Sen hayotimning bog'boni, bahorimning nafosatisan. Men seni doimo tog'dek baland va bardoshli, sharsharadek jo'shqin bo'lishingni istayman, ko'ngil...

Aziza BERDIBOYEVA,
Alisher Navoiy nomidagi

Nafis san'at litseyining 9 - «A» sinf o'quvchisi.

Sahifani Nargiza AKBAR qizi va Nilufarxon BAHROMOVA tayyorlashdi.



ONAMNING O'ZIMAN, OTAMNING QIZIMAN

Aziz bolajonlarim, siz bilan dildan suhbatlashayotganimdan go'yo bir zumda 40 yoshga yosharib qolgandek bo'layapman. Qadrdon maktabim, ustozlarim, sinfdosh do'stlarim hammasi ko'z o'ngimda gavdalanmoqda. Har kuni tong saharda turib, onajonim Mastura ayaga uy yumushlarida ko'maklashardim. So'ngra, egnimga o'zim dazmollagan top-toza maktab formalarimni kiyib ilm maskanimga shoshilardim. Barcha sinfdoshlarim kundalik darslarni qiziqish bilan birdek a'lo va yaxshi baholarga o'zlashtirar, barcha fanlardan kim o'zarga beg'araz musobaqalashardik. Ustozlarimizni nega, nima uchun kabi savollarga shu darajada ko'mib tashlardikki, hatto keyingi darsga qo'ng'iroq chalinsa ham hech kim o'rnidan qimirlamasdi. Ustozlarimiz biz uchun betakror

qunt bilan o'rganib borsa, ulg'ayganda bemalol qiz, agar dangasalik qilib o'rganishni istamay, o'zgalarni mehnati evaziga kun o'tkazsa, malol qiz bo'ladi», der edilar. Bemalol qiz bo'lishim uchun deraza oynalarini uch qayta yuvishdan tortib, oddiygina qoshiq dastasini ham doimo yaltirab turishini nazarimdan qochirmasdim. Chunki onajonim uyimizdagi tozalik, ozodalikni hamma narsadan ustun qo'yardilar. Doimo onamga o'xshasam deb orzu qilardim. Maktabni a'lo baholarga tugatib, Nizomiy nomidagi Pedagogika oliygohida tahsil oldim. Kasbimga oid diplomimni uyga olib kelganimda, ota-onamning ko'zlarida porlagan quvonchni

BOLALIK ASLI

ko'rish, hayotimdagi eng katta mukofot edi.

Otam - Ismoil aka mahalla oqsoqoli edilar. Qo'ni-qo'shnilarning, mahalladoshlarimizning og'irini yengil qilishga jon-dili bilan intilardi. Kunora maktab, bog'cha,



internat kabi ta'lim maskanlariga borishdan hech erinmasdi. Otamning bu boradagi ishlarini kuzatganimda ularning har bir inson bilan u xoh katta bo'lsin, xoh kichik bo'lsin, erinmasdan yurak-yuragidan juda muloyim suhbatlashishini guvohi bo'lganman. Hozir o'zim xuddi otam kabi kishilarning og'irini yengil qilishga, ularga ko'mak berishga harakat qilayapman. Otamning pok ruhlarini shod etishga intilaman. Ha, har bir o'g'il-qiz uchun ota-ona ko'rsatgan yo'l eng yorug' va to'g'ri yo'ldir.

Ibrat

«Goh to'p tepib, goh mol boqib bir-birlari bilan quvnaq - quvlashib yurgan g'ayratli, tinib-tinchimas bolajonlarni ko'rganimda, sirg'alari oftob nurlarida tovlanib eshik oldilarini supurib, suv sepayotgan qizaloqlar bilan xayolan yurganimda, yuragimni ajib bir ilqlik qamrab oladi. Ular o'zim tug'ilib o'sgan mahallamning ertangi kunlari, bizning farzandlarimiz. Sho'x-shodon bolajonlar har sahar ko'chamizni to'ldirib, chor-atrofnikuldirib qadrdon maktab sari oshiqishar ekan, tinchlikni, osudalikni hamisha shunday baxti bekamlikni saqlashimiz kerak, deb o'ylayman. Ahillik avvalo uyimiz ostonasidan, so'ngra o'zimiz yashayotgan mahallamiz ko'chasi boshlanadi.

Dehqonchilik ota kasbi bo'lgan mahallamizning nomi «Bobo-dehqon» deb ataladi. Ko'cha-kuyda birorta bekorchini uchratmaysiz. Barcha birdek erta-yu kech o'z yumushi bilan band. Barakali mehnat tufayli mahallamizda chiroyli uylar qurilib, orasta to'ylar bo'lib o'tmoqda...»

Yunusobod tumanidagi «Bobo-DEHQON» mahallasi fuqarolar yig'ini raisi Mashhura opa ISMOILOVA suhbatidan.

MAKTAB VA MAHALLA BITTA OILA

Mahallamizda joylashgan 273-maktab, 47-bolalar bog'chasi, Qo'shimcha ta'lim markazi kabi ilm maskanlari bizning otalig'imizda. O'quvchilar bilan muntazam ravishda uchrashuvlar, suhbatlar, turli tadbirlar o'tkazilib turiladi. Yoshlar o'rtasida giyohvandlik, ichkilikbozlikka qarshi targ'ibot ishlarini olib borishda Nurjon Qodirqulov, Lutfulla Jamolovlar kabi faollarimiz ishidan barcha mamnun. Mahallamizda

giyohvandlik, voyaga yetmaganlarni ro'yxatda turishi yoki boshqa biron illat bilan jinoiy javobgarlikka tortilgan kishilar yo'q. Birgina Qo'shimcha ta'lim markazining o'zida yigirmaga yaqin to'garaklarda bolajonlarimiz turli kasb-hunar o'rganishmoqda. Ayniqsa, nogiron, salbiy nuqsoni bor bolalar alohida hunar o'rganishga jalb etilgan. Ularga o'qitish uchun maxsus o'qituvchilar birlashtirilib, qo'shimcha ravishda fanerlardan gul yasash, kosibchilik kabi hunarlarni egallashga imkoniyat yaratib berilgan. O'quvchilar bilim olayotgan ta'lim maskanlari barcha mahallalarning o'zagidir. Keksalar hurmatda bo'lishlari uchun avvalo o'zimiz yoshlarning tarbiyasiga jiddiy e'tibor qaratishimiz lozim. Qayerda mehr, mehribonlik urug'i avaylab parvarish qilinsa, o'sha yerda totli qut-baraka mevalari yetiladi.

«Tong yulduzi» gazetasini sevib, o'quvchi gazetxon bolalarimga bir-biringiz bilan inoq do'st bo'ling, qalbingizni iliq mehr tark etmasin, imonli, e'tiqodli bo'lsangiz, aslo kam bo'lmaysiz, degim keladi.

Jamila ERDONOVA
yozib oldi.

XAYR, BOLALIK!

Yomg'irlar yog'adi tomchilab asta,
Ko'ngil qayg'ularin yuvar tomchisi.
Umr o'tar ekan tinmay birpasda,
Yillarning otini urib qamchisi.
Shamollar esmoqda shovullab shodon,
Qalbning anduhlarin uchirib ketar.
Mening xayollarim xazonrez - armon,
Meni bolaligim bag'riga eltar.
Oh, mening beg'ubor bolalik chog'im,
Sen eding misoli oppoq kapalak.
Mitti qushing edim, sen mening bog'im,
Qachon aylandi bu umr - charxpalak.
Bolaligim, sening ko'chalariganda,
Balki so'nggi bora qilmoqdaman sayr.
Qo'llarimni uzib qo'lhalarigandan,
Senga demoqdaman bir umrga xayr.

Gulnora SUYAROVA,
O'rta Chirchiq tumanidagi
61-maktabning 9-sinf o'quvchisi.

mo'jizaviy kuch edi.

Maktabdan qaytganimda onajonim doimo «Qiz bola muloyim, chaqqon, ziyrak bo'lib, barcha uy yumushlarini uddalay olishi lozim. Bilganlarini do'ndirib, bilmaganlarini

Fazoga uchishni, koinot sirlarini o'rganib, yulduzlarni quchishni orzu qilmagan bola bo'lmasa kerak. Poytaxtimizda yosh fazogirlar maktabi ochilganidan xabaringiz bordir, uning asoschisi, O'zbekiston Fanlar Akademiyasi muxbir a'zosi, Xalqaro injenerlik akademiyasi akademigi, fizika-matematika fanlari doktori, fidoyi va kamtarin inson Shavkat Vohidov bilan o'tgan yili, Xalqaro kosmonavtika kuni arafasida tanishgandim. O'sha kuni poytaxtimizning Borovskiy ko'chasidagi 2-uy kiraverishidagi endigina ta'mirlab bo'lingan zinapoya ustini hafsala bilan chiqindilardan tozalayotgan nuroniy otaxonga ko'zim tushdi. U vazminlik bilan ishini tugatgach, menga yuzlandi.

- To'g'ri topdingiz, Shavkat Axadovich men bo'laman, marhamat, ichkariga kiring, -deya mo'jazgina xonasiga boshladi. Turli-tuman jadvallar, xaritalar, samolyot va kosmik kemalar maketlari bilan to'lgan bu xonada xalqaro aerokosmik maktabi (XAKM) tinglovchilari mashg'ulotlar o'tkazisharkan.

Bundan 15 yil muqaddam tashkil etilgan XAKM haqida bugun respublikamizdagina emas, balki MDH davlatlarida, xorij mamlakatlarida ham yaxshi bilishadi. Bilimgoh bitiruvchilarini dunyoning turli burchaklarida uchratish mumkin. Yaqinda Shavkat aka qattiq og'rib, Moskvadagi Onkologiya markazida davolanishiga to'g'ri keldi. O'shanda ikki nafar tajribali shifokorning darhol huzuriga tavoze bilan kirib kelishi uni hayratga solgandi. Ayniqsa yurtdoshimiz, kosmonavt uchuvchi Solijon Sharipovning o'z o'g'lidek xabar olib turishi Vladimir Jonibekovning kunora tamaddi hozirlab kelishi...

Har yili Rossiya uchuvchi-kosmonavti «Buyuk xizmatlari uchun» ordeni sohibi Harbiy havo kuchlari polkovnigi Solijon Sharipov yosh fazogirlar maktabining yozgi o'quviga mehmon bo'lib keladi. Mashg'ulotlarda qatnashib, yoshlarning bu sohaga katta qiziqishi ortib borayotganidan faxrlanadi, demak olis sayyoralarda mustaqil yurtimiz bayroqlari hilpiraydigan o'sha saodatli kunlar uzoq emas.

Shu kunlarda esa ikki xalqaro kosmik ekipajning bo'lajak 9-ekspeditsiyasi parvozga shaylanmoqda. 19 aprel kuni Boyqo'ng'ir kosmodromida parvoz qiladigan asosiy ekipajni polkovnik Gennadiy Padalka, dublyor tarkibni Solijon Sharipov boshqaradi. Shu yil oktabr oyida esa Solijonning o'zi xalqaro ekipajni boshqarishi ko'zda tutilgan. Amerikalik, nemis va gollandiyalik hamkasblari bilan Yevropa Ittifoqi, Kanada, AQSh kosmik bazalarida hamkorlikdagi dasturlarni muvaffaqiyatli amalga oshirishdi.

Hozir «Zvyozdnyy» shahrida katta tayyorgarlik mashqlari ketyapti, tez orada esa butun jahon «Soyuz-TM» kosmik kemasining ilmiy kashfiyotlaridan boxabar bo'ladi. 26 iyuldan 5 avgustgacha Toshkent viloyatining Parkent tumanida puryiqor

tog'lar bag'ridagi so'lim oromgohda amaliy mashg'ulotlar bo'lib o'tadi. Ungacha esa akademik Sh.A.Vohidov jamg'armasining tanlovi o'tkazilishi kerak.

Tanlov shartlariga ko'ra, maktabga koinot sirlariga, kosmonavtikaga qiziqqan yigit-qizlar tanlab olinadi. Yosh fazogirlar maktabida o'qish jarayonida bola fizika, matematika, geometriya, trigonometriya qonunlarini puxta bilishi kerak bo'ladi. Har jihatdan sog'lom, ma'naviyatli yoshlarga maktab o'quvchisi bo'la oladi.

Zero, qiziqish, katta ishtiyoq bilan

bo'ladigan uchrashuvlar ayniqsa, qiziqarli o'tadi. Eng yaxshi ilmiy loyihalar taqdirlanadi.

Fazogirlar maktabi yosh tinglovchilaridan albatta kosmosni zabt etuvchilar chiqishi zarur, deb hisoblanmaydi. Maqsad - yoshlarga muhandislik tafakkuri, mantiqi asoslarini o'rgatish, konstruksiyalash va aniq hisoblash ko'nikmalari hosil qilishdir. Ularni turli loyihalar ustida fazo va atrof-muhit bilan bog'liq ravishda bosh qotirishga undashdir. Har gal yangi kelgan bolalar

12-APREL
Xalqaro kosmonavtika kuni

Debyuzi tashrif buyurib, mashg'ulotlarda qatnashish istagini bildiribdi.

Shavkat Axadovich boshidan kechirgan dard asorati tufayli zo'riqib gapirayotganlariga qaramay, ayni paytdagi ilmiy tadqiqotlari haqida ham so'zlab berdilar. Buyuk munajjim, matematik olim Ulug'bek bobomizning faoliyati, uning olimlar, mudarrislar va mullabachchalarga g'amxo'rliqi,


FAZOGGA YO'L

egallangan bilim katta kuchga ega bo'ladi, ulug'vor kashfiyotlarga zamin tayyorlaydi. Tanlovdan muvaffaqiyatli o'tgan yoshlar huzurida Rossiya, Qozog'iston, Qirg'iziston, Ozarbayjon, Tojikiston kabi ko'plab davlatlarning olimlari, o'qituvchilari ma'ruzalar o'qishadi. An'anaga ko'ra, birinchi ma'ruzani O'zbekiston Fanlar Akademiyasi prezidenti, akademik B.S.Yo'ldoshev o'qiydi. Ustozlar qatorida Rossiya kosmonavtlar tayyorlash markazidan kosmonavt instruktorlar, akademiklar, universitet professorlari, Toshkent aviatsiya va astronomiya institutlarining aeronavtika, kosmik texnologiyalar va kommunikatsiyalar sohasidagi yetakchi mutaxassisleri dars berishadi. Bo'lg'usi fazogirlar Vladimir Jonibekov, Pavel Vinogradov, Solijon Sharipovlarning ma'ruzalarini ayniqsa, maroq bilan tinglashadi.

Amaliy mashg'ulotlarda turli xil maketlar va varraklar, shaxsiy modellar, raketa, planerlar yasashadi, koinot mavzusida butun fantaziyalarini ishga solib rasmlar chizishadi. «Kosmosni qanday tasavvur qilasiz?» insholar konkursi, kosmonavtlar bilan

orasidan eng iqtidorlilari saralanib, yurtimiz Aviatsiya va umumtexnika oliy o'quv yurtlariga kirish uchun tavsiya etiladi. XAKM ning bu yilgi mavsumiga Parijdan «Eyr frans» aviakompaniyasiga qarashli «Boing-747» komandiri madam Kristin

tadbirkor va ishbilarmonligi haqida bitilgan maktubni Erondagi «Sipoh-solor» kutubxonasidan topdirib kelib, o'zbekchaga o'girayotgan ekanlar. Maktub egasi o'z davrining mashhur nazariyotchi olimi matematik Jamshedi Koshoniy bo'lib, unda Ulug'bekning fe'li-atvori, olim



«Kichik yulduzlar akademiyasi»ga qabul

1. Vaznsizlik holati va uning xususiyatini sharhlab bering.
2. Mayatnikning vaznsizlik holatidagi harakati qanday bo'ladi?
3. Arximed qonuni nima va u vaznsizlik holatida qanday amal qiladi?
4. To'lqinlarning qaytish va sinish qonuniyatlari (radio, tovush, yorug'lik, rentgen va V-nurlar)ni misollar bilan tushuntiring.
5. Mars planetasining asosiy xususiyati, harakati va holatlari haqida ma'lumot bering.
6. Marsda ilgari va hozirgi paytda o'tkazilayotgan izlanishlar haqida nimalarni bilasiz?
7. Sayyoralar haqida, xususan Mars (Mirrix) haqida Sharq mumtoz shoirlari nimalar yozgan?
8. O'zbekiston olim va mutaxassislarini quyosh sistemasidagi sayyora va undan kichik yo'ldoshlarni tekshirish (o'rganish) sohasida olib borgan ishlari haqida nima

- bilasiz?
9. Marsga ekspeditsiyangiz qo'ngandan keyin siz qaysi transport vositasidan foydalanishni ma'qul deb bilasiz? O'z fikringizni asoslab bering.
10. Marsda odam yashashi uchun yaroqli imorat yaratmoqchi bo'lsangiz, siz uni qay shaklda va qanday qurilish materiallari hamda texnologiyadan foydalangan bo'lardingiz?
11. Mirzo Ulug'bekdan oldin zij tartib berib yozganlar oz emas, uning hissasi nimada?
12. Ulug'bekning tarixdagi asosiy xizmatlari nimadan iborat?

Aziz o'quvchilar!
Javoblaringizni 2004 yil 15 iyuniga qadar «Tong yulduzi» gazetasi tahririyatiga, Navoiy ko'chasi, 30-uy manziliga yuborishingizni so'raymiz.
G'oliblar yosh fazogirlar maktabiga qabul qilinadi.

sifatidagi salohiyati yorqin tavsiflanadi. Kitob yoshlarning fazoviy bilimlarga ishtiyoqini yanada oshirib, ularda ajdodlarimiz ilmiy merosidan faxrlanish tuyg'ularini uyg'otadi.

Shavkat Vohidov suhbat asnosida amerikaliklarning Mars (Mirrix) sayyorasida olib borayotgan fan uchun qimmatli kosmik tadqiqotlarini e'tirof etarkan, kelgusida mana shu ko'zlari chaqnoq, aqli teran, bilimga chanqoq o'zbek o'g'lonlari orasidan ham yulduzlardan yulduzlarga uchuvchi jasur fazogirlar yetishib chiqishini orzu qiladi.

Xalqaro aerokosmik jamg'armasi boshlig'i «Koinot» ilmiy ishlab chiqarish birlashmasi bosh konstruktori, akademik Shavkat Vohidov tomonidan tuzilgan test savollariga bekamu ko'st javob berolgan iqtidorli 14-17 yoshdagi zukko o'quvchilarni olim o'zining «Kichik yulduzlar akademiyasi»ga taklif etadi.

Zamira TO'LAGANOVA



SAMARQANDIM

Zebosan, shaharlar ichra Samarqand,
Sen desam tilimda g'azal Samarqand.
Istiqlol nuri-la bo'lding nurafshon,
Zar kokiling erur Zarafshon.

Samarqand sayqali ro'yi zaminda,
Sharqning taronasi taralar bugun.
Buyuk allomalar tug'ilgan yurtda,
Munosib vorislar ulg'ayar bugun.

Qadimiy, ko'hna va navqiron shahrim,
Qancha-qancha g'amlar tushdi boshingga.
Nurafshon kunlarni olib bag'riga,
Humo qushi uchib keldi qoshingga.

Xalqingning mehridan topding halovat,
Ezgulik nuri-la bag'ring salomat.
Ajib bir qo'shiqsan Dildor tilida,
O'zbekiston atalgan mardlar elida.

Dildora LATIPOVA,
Samarqand viloyati,
Siyob tumanidagi
21 - maktab o'quvchisi.



LOLA

Bahorda ochilasan,
Tog'larga sochilasan.
Chiroyingdan quv nar dil,
Bahordek bo'lar ko'ngil.
Men sizlarni termayman,
Aslo ozor bermayman.

Mahliyo
MAMAYUSUPOVA.

MUSHUGIM

Mushugim ismi Baroq,
Men bilan qalin o'rtoq.
Men tomon oshiqadi,
Maktabdan kelganim chog'.
Mushugim o'yinqaroq,
Ko'zlari o'tkir, biroq.

Uyda sichqon tutadi,
Yamlamasdan yutadi.
Bo'lsa hamki hali yosh,
Mehnat qilib topar osh.

Maftuna ISOQOVA,

Andijon viloyati, Buloqboshi tumanidagi
10 - ixtisoslashgan maktab o'quvchilari.

BO'RINING HASRATI

-Tanishaylik, men bo'ri,
Yo'qdir yomon niyatim.
Biroq juda hayronman,
Nega yomondir otim?



Bolalarni aldashar,
«Bo'ri yirtqich, och», deya.
Quyvonlar tumtaraqay,
«Ana bo'ri, qoch!» deya.
Ertaklarning barida,
Hamma yaxshi, men yomon.
Yesam ham, yemasam ham,
Doim birdek og'zim qon...



Keyinroq gaplasharmiz,
Ochiqib ketdi qornim.
Oshxonada kutmoqda,
Quyvon go'shtli taomim.


Dilrabo DO'STQOBILOVA,
Toshkent shahridagi 118 - maktabning
6 - «A» sinf o'quvchisi.

TOPISHMOQLAR



Qilich uchi qaltiroq,
Yonib turar yaltiroq.


Opa-singil ko'rishdi,
Merosini bo'lishdi.



Ko'klamoyning belgisi,
Iliqlikning elchisi.
Bahordan berib darak,
Bosh ko'tarar ...

(Boychechak)

Dilnavoz SAIDOVA,
Jizzax viloyati, Zomin tumanidagi 1 - gimnaziyaning
5 - «A» sinf o'quvchisi.



SABOLLARI

1. Abdullo..... 2. Yirtqich hayvonlardan biri. 3. Shoh yashaydigan joy. 4. Yil fasli. 5. Hunarmandchilik turlari. 6. Yomg'ir yog'qandan so'ng paydo bo'ladi. 7. ... - bilim manbai. 8. Gul turi. 9. Asal yig'adigan hashorat. 10. Ipni o'rtoq'i. 11. O'zbek dostonlaridan biri. 12. Alovuddinining sehri chirog'i. 13. Yozuvchining quroli. 14. Dukkakli o'simlik.

Zebinisa HUSHVAQTOVA,
Toshkent shahar, Sirg'ali tumanidagi
305-maktabning 8- «A» sinf o'quvchisi

«Toshbaqa»ni rasmini
tengdoshingiz
Ruslan MIRZAEV chizgan.

«ODOBSIZ» SICHQON

Jajjigina jiyancham
Vositbekning endi-endi tili
chiqayapti. «Opa»,
«ashsha», «bobo» kabi
so'zlarni o'rganib oldi.
Yaqinda oyijonim unga
«assalom»ni o'rgatib
qo'yibdilar. Kimni ko'rsa,
ikki qo'lini ko'ksiga
qo'yib, boshini yerga
tekkuncha egib, «ach-chalom» deydigan odat chiqardi.



Tunov kuni oshxonada o'tirgandik, kutilmaganda
devorning kovagidan bir sichqoncha
chiqib qoldi. Vositbek undan
qo'rqib ketsa kerak, deb
o'ylagandim. U esa
boshini quyi egib,
sichqonchaga salom bersa
bo'ladimi?! Sichqoncha
tipirchilab o'zini kovakka
urdi. Salomiga alik
olmagan «odobsiz»
sichqondan xafa
bo'lgan jiyancham
ovozining boricha
yig'lab yubordi...



Durdonabegim
QODIROVA,
Poytaxtimizdagi
126 - maktabning
6 - «B» sinf o'quvchisi.

Ona yurtim - otin boshingiz
TONG
yulduzi

O'zbekiston bolalari va
o'smirlarining gazetasi

BOSH MUHARRIR:
Umida
ABDUAZIMOVA

TAHRIR HAY'ATI:
Risboy JO'RAYEV,
Mirakmal MIROLIMOV,
Botir UBAYDULLAYEV,
Jabbor RAZZOQOV,
Feruza JALILOVA
(Bosh muharrir
o'rinbosari),
Abdusaid KO'CHIMOV,
O'ktam OHUNOV,
Ergashvoy SARIQOV.

Gazeta O'zbekiston
Matbuot va axborot
agentligida
№ 022 raqam bilan
2003 yil 11 dekabrda
ro'yxatdan o'tgan.

Noshir
«Ijod dunyosi»
nashriyot uyi.

Gazeta
«Ijod dunyosi»
nashriyot uyi
kompyuter bo'limida
terib sahifalandi.
Gazeta haftaning
dushanba kuni chiqadi.
Hajmi A-3, 2 bosma
taboq.

Toshkent matbaa
kombinatida chop etildi.

Adadi - 37119
Buyurtma № J 000114

Manzilimiz:
700129,
Toshkent shahri,
Navoiy ko'chasi,
30-uy.
Obuna indeksi: 198

Bizning elektron
pochtamiz:
ijod@uzpak.uz

Tel: 144-63-08
144-62-34
Tel./ faks:
(99871) 144-37-24